

Evening Dogri News Bulletin, 17th August 2024

इवनिंग डोगरी न्यूज़ बुलेटिन

समे .1815

<><><><><><>

Headlines

- 1 प्रधानमंत्री नरेन्द्र मोदी होरें ग्लोबल साउथ दे सब्बने मुल्खें गी इक्क-मिक्क होइयै इक दुए दी अवाज बनने दा आह्वान कीता ऐ।
- 2 विदेश मंत्री डॉ. एस.जयशंकर होरें मिंबर मुल्खें गी इक परोआर आला लेखा घट्ट दरें पर दोआर ते महत्वपूर्ण प्रौद्योगिकीयां इक दुए गी उपलब्ध कराने च सैहयोग देने लेई आखेआ ऐ।
- 3 केन्द्री विधि ते न्याय मंत्री अर्जुन राम मेघवाल होरें आखेआ ऐ जे भारतीय न्याय संहिता भारतीय न्याय बवस्था गी भलेयां आधुनिक बनाई देग।
- 4 खुराक, सार्वजनिक बंड बिक्री ते उपभोक्ता मामले सरबंधी मैहकमा अंतोदय अन्न योजना ते तरजीह आले कुन्बे लेई बाढू अन्नदाना उपलब्ध कराग।

<><><><><><>

PM-Global South

प्रधानमंत्री नरेन्द्र मोदी होरें ग्लोबल साउथ दे मुल्खें गी इक्क-मिक्क होने ते कन्नै इक दुए दी ताकत बनने दा आह्वान कीता ऐ। अज्ज त्रीए “वायस ऑफ ग्लोबल साउथ” सम्मेलन च वर्चुअल ढंगे नै हिस्सा लेंदे होई मोदी होरें आखेआ जे मजूदा यक्कोतक्की आला माहोल ते चुनौतियां पूरी दुनिया लेई इक बड्डा चिंता दा विषय ऐ। उनें गलाया जे दुनिया अजें मसां कोविड दी मार कारण लग्गी दी पछाड़ कोला उभरने दी कोशत करा करदी ऐ ते बक्ख क्षेत्रें च बनने आली टकराव ते गतिरोध आली स्थिति नै ग्लोबल साउथ दे मुल्खें लेई, उंदी विकास यात्रा च चुनौतियां खड़ी करी

दित्ती दियां न। मोदी होरें जोर देइयै आखेआ जे एह मुख्य जलवायु परिवर्तन दे कन्नो कन्नी सेहत सुरक्षा, खाद्य सुरक्षा ते ऊजा सुरक्षा जनेइए चिंताएं दा सामना करा करदे न। प्रधानमंत्री मोदी होरें आखेआ जे आतंकवाद, उग्रवाद ते बक्खवाद बी हर समाज लेई बड्डा खतरा बने दे न। उनें प्रौद्योगिकी दी बंड ते इत्त सरबन्धी नमीं आर्थिक ते समाजिक चुनौतिएं दा बी जिक्र कीता। मोदी होरें भरोसा दोआया जे भारत नै ग्लोबल साउथ दे सब्बने मुख्यें कन्नै अपनिएं छमताएं ते तजुर्बे गी सांझा करने लेई पक्का निश्चा कीते दा ऐ। उनें बपार, समावेशी विकास, सतत विकास दे लक्ष्यें गी हासल करने लेई जतनें गी रफ्तार देने ते कन्नै महिलाएं दे नेतृत्व च विकास गी बढ़ावा देने लेई भारत दे पक्के धेइयै दा बी जिक्र कीता। उनें आखेआ जे हाल दे किश बरें च बुनियादी ढांचे ते डिजीटल ऊर्जा संपर्क दे राएं ग्लोबल साउथ दे साथ सैहयोग गी बढ़ावा दित्ता गोआ ऐ। प्रधानमंत्री होरें आखेआ जे मिशन लाइफ दे तैहत् भारत नै नां छड़ा मुख्यै च सगुआं भ्याल मुख्यें पर बी रूफटॉप सोलर ते नमींकरनी ऊर्जा उत्पादन गी तरजीह दित्ती ऐ ते ग्लोबल साउथ दे बक्ख-बक्ख मुख्यें गी यूपीआई कन्नै जोड़ने दे जतन तेज करी दित्ते न। उनें जिक्र कीता जे शिक्षा, समर्थ निर्माण ते हुनर विकास दे क्षेत्र च ग्लोबल साउथ दे मिंबर मुख्यें कन्नै सांझेदारी च सराहने जोग प्रगति होई ऐ। उनें ग्लोबल साउथ यंग डिप्लोमैट फोरम दी शुरूआत दा जिक्र करदे होई आखेआ जे ग्लोबल साउथ एक्सीलेंस सेंटर छमता निर्माण, कौशल विकास ते ज्ञान सांझा करने दा कम्म करा'रदा ऐ।



EAM Global South

विदेश मंत्री डॉ.एस.जयशंकर होरें ग्लोबल साउथ दे मुख्यें गी आखेआ ऐ जे ओह इक परोआर दे तौरा पर रलियै कम्म करन तां जे घट्ट सूद उप्पर पैसा मुहैया कराया जाई सकै ते मती जरूरी तकनीकें च सहूलियत कीती जाई सकै। अज्ज ग्लोबल साउथ समिट दे त्रीए सम्मेलन च विदेश मंत्रिएं दे पैहले सैशन च बोलदे होई डॉ. जयशंकर होरें आखेआ जे ग्लोबल साउथ दे मुख्यें उप्पर खास तौरा उप्पर मते सारे टकराव, तनाह ते दबाह दा असर ऐ जेहूदे कन्नै दुनिया जूझै करदी ऐ। उनें इस गल्ला उप्पर लोह पाई जे विचारें दे आदान-प्रदान दा मकसद इस प्रक्रिया दे राएं साढे हितें गी परिभाशत करना ऐ। बचार-बमर्श लेई चार विषय पेश करदे होई डॉ. जयशंकर होरें आखेआ जे अंतरराष्ट्री अर्थबवस्था गी जोखिम थमां मुक्त करने लेई बक्ख-बक्ख डोमेन च अपने आप च उत्पादन च विविधिता आहने दी सख्त लोड़ ऐ



DEO Jammu

जम्मू दे जिला चुनां अधिकारी सचिन कुमार वैश्य होरें औने आले विधानसभा चुनाएं बारे मीडिया गी संबोधत करदे होई केइं मुख् बिनदुएं गी उजागर कीता। डीईओ होरें इस गल्ला दी पुष्टि कीती ऐ जे माडल आचार संहिता हुन लागू होइ गेई ऐ ते एहूदे लागू होने लेई पूरे जिले च सख्ती कन्नै निगरानी कीती जा'रदी ऐ। उनें भरोसा दोआया जे सुरक्षत चुनां प्रक्रिया गी जकीनी बनाने लेई सुरखा दे व्यापक ते सख्त प्रबंध कीते जांगन।



DEO Doda

जियां चुनां दी तरीकें दी घोषणा होई, डोडा जिले च तैआरियां तेजी कन्नै होआ करदियां न। डोडा दे जिला चुनां अधिकारी हरविंदर सिंह होरें डीसी दफ्तर च आयोजित इक प्रेस कांफ्रेंस दरान चुनां प्रक्रिया गी सुचारू ढंगै कन्नै चलाने लेई कीते जा'रदे कम्म बारे दस्सेआ।



Rakhi Celebration

भारतीय विद्या मंदर स्कूल नानसू, उधमपुर दे विद्यार्थिं बट्टल बलियां उधमपुर च 187 बआलियन दे सीआरपीएफ कैप च जाइयै रक्षाबंधन मनाया। कुड़िं सीआरपीएफ दे जवानें गी रक्खड़ी बन्नी जेहडत्रे मातृ भूमि दी रक्षा खातर अपने घरें थमां बाहर रोंहदे न। इस खास मौके उप्पर उधमपुर दी सीआरपीएफ दी 187 बटालियन दे कमांडेंट मोहम्मद साजिद होरें बी उत्थें मजूद हे।



Exhibition Samba

मकामी कारीगरी ते सांस्कृतिक विरासत दे समारोह च हस्तशिल्प ते हत्थखड्डी दे दफ्तर च सहायक निदेशक एक्शू शर्मा होरें अज्ज सांबा दे डीसी दफ्तर दे परिसर क्षेत्र दे विरासत शिल्पें दी इक दिने दी प्रदर्शनी दा आयोजन कीता। रक्खड़ी दे मौके पर इस प्रदर्शनी च पर्यावरण अनुकूल बांस, क्रोशिया ते होरने दूई दस्ती रक्खड़िं दा प्रदर्शन कीता गेआ। इस कार्यक्रम च सांबा दे डिप्टी

कमीशनर राजेश शर्मा होर बी शामिल होए। इस दरान डीसी होरें कारगिरें गी उंदी मेहनत ते विरासत शिल्प गी जिंदा रखनेलेई उंदी सराहना कीती ते उनेंगी कम्म करने लेई प्रोत्साहित कीता।

<><><><><><>

News Broadcast

आकाशवाणी दे हर घंटे खबर दे बुलेटिन दे प्रसारण क्रम च संशोधन कीता जाग। जेहड़ा 18 अगस्त यानि कल मिां अददी रातीं 12 बजे थमां शुरू होग। पैहले हिंदी खबरें दे बुलेटिन दा प्रसारण कीता जाग जेहदे 5 मिंटे परैंत अंग्रेजी खबरें दे बुलेटिन दा प्रसारण कीता जाग।

<><><><><><>

Bhartya Nyay Sanhita

केन्द्री विधि ते न्याय मंत्री अर्जुन राम मेघवाल होरें अज्ज आखेआ ऐ जे अगले 5एं ब'रें च भारतीय न्याय संहिता देश दी अपराधिक न्याय बवस्था च होर बेहतरी आहन्नियै इसी भलेयां अज्जै कल्लै दिएं जरूरतें मूजब बनाई देग। अज्ज केरल हाई कोर्ट दे केन्द्र सरकार परिषद दे राज्य स्तरै दे सम्मेलन दा उद्घाटन करदे होई मेघवाल होरें आखेआ जे तुरत ते असरदार न्याय सब्बने नागरिकें दा बुनियादी अधिकार ऐ। उनें इनें आरोपें दा खंडन कीता जे भारतीय न्याय संहिता बिजन सुझाएं ते बिजन सलाह मशवरा जां तैआरी कीते प्रस्तावित होई ऐ। मंत्री होरें आखेआ जे 2019 थमां गै हितधारकें बक्ख-बक्ख स्तरें दी गल्लबात, सलाह सूत्र ते सुझाएं पर सोच बचार करने दे परैंत गै भारतीय न्या संहिता गी आंदा गेआ ऐ।

<><><><><><>

Food Grain

खुराक, सार्वजनिक बंड बिक्री ते उपभोक्ता मामले सरबंधी मैहकमा अतोदय अन्न योजना ते मती तरजीह आले पी एच एच कुम्बें लेई बाद्ध अन्नदाना उपलब्ध कराग। जारी इक ब्यान च'हकमे नै आखेआ जे जम्मू कश्मीर च सार्वजनिक बंड सेवा एल्लै 25 लक्ख 11 जहार परोआरें दे 98 लक्ख 64 जहार जएं गी इस स्कीम तैहत कवर करा करदी ऐ जिंदे च 16 लक्ख 64 जहार परोआरें दे 66 लक्ख 18 जहार लाभार्थी राष्ट्रीय खाद्य सुरखा कनून दे तैहत योग्य न जिनेंगी हर म्हीने मुफ्त अन्नदाना देना बनदा ऐ। एहृदे अलावा जम्मू कश्मीर च 32 लक्ख 62 जहार लाभार्थिएं गी बड़े मते

रिआयती भाएं 15 रपे किलो चौल, 12 रपे किलो कनक ते 13 रपे किलो आटा उपलब्ध कराया जा'रदा ऐ। लोकें दिएं खुराक सरबंधी जरूरतें गी पूरा करने लेई जम्मू कश्मीर सरकार नै एल्लै मती तरजीह आले परोआरें लेई प्रधानमंत्री हुंदी खाद्य पूरक पी.एच.स्कीम गी बी लागू कीते दा ऐ जेह्दे तैह्त फही परोआर गी 10 किलो राशन 25 रपे किलो साब्बै उपलब्ध कराया जंदा, बशर्ते परोआर दी सब्बने स्कीमें गी रलाइयै कुल अन्नदाने दी हद 35 किलो कोला बद्ध नेई होए। एह्दे तैह्त योग्य परोआरें दी गिनतरी 13 लक्ख 49 ज्हार ऐ।

<><><><><><><>

DC Rajouri

अभिषेक शर्मा होरें गी ओम प्रकाश भगत हुंदी थाहर राजौरी दे डिप्टी कमीशनर दे तौरा पर अपना कम्मकाज सांभी लैता ऐ। अभिषेक शर्मा जेह्दे हुन राजौरी दे जिला चुनां अफसर बी ऐन, अपना औहदा सांभने दे बाद उनें इक बैठक लाइयचै जिले च विधानसभा चुनां पूरी चाल्ली बवस्थित ढंगै नै करोआने बारे सरबंधी सब्बने नोडल अफसरें ते एआरओएं कन्नै सलाह सूत्र कीता। जिला चुनां अफसर होरें चुनां तैआरिएं दे बक्ख-बक्ख पैह्लुएं पर सोच बचार कीता ते आखेआ जे चुनाएं लेई लोडचदे अगले दी दस्तयाबी बारे जानकारी नोडल अफसर इक दिनै दे अंदर अंदर कठेरी लैन। चुनां पूरी चाल्ली रमानदारी ते बवस्था आले ढंगै सिर करोआना जकीनी बनाने लेई कंट्रोल रूम, निगरान बवस्था ते होरने तैआरिएं दे बारे च तफसीली सलाह सूत्र कीता गेआ।

<><><><><><><>

DEF-Paradrop

भारती ब्हाई फौज ते भारतीय सेना नै सांझे तौरा पर 15 ज्हार फुट दी उंचाई आले इलाके च क्रिटिकल ट्रॉमा केयर क्यूब दा पैहली बारी पैरा ट्रॉप आपरेशन कीता। इनें क्रिटिकल ट्रॉमा केयर क्यूब्स गी भारत सेहत पैहल प्रोजेक्ट "भीषम" दे तैह्त स्वदेशी रूप कन्नै तैआर कीता गेआ ऐ। रक्षा मंत्रालय नै आखेआ ऐ जे एह आपरेशन प्रधानमंत्री नरेन्द्र मोदी हुंदे मनुक्खी सहायता ते आपदा प्रभावत क्षेत्रें च महत्वपूर्ण सेवां उपलब्ध कराने लेई आयोजित कीता गेआ। आपरेशन दरान भारतीय ब्हाई फौज नै क्यूब गी एयरलिफ्ट करने ते भलेया स्टीक रूप कन्नै पैरा ट्रॉप करने लेई अपने उन्नत सामरिक परिवहन विमान-सी-130 जे सुपर हरक्यूलिस दा इस्तेमाल कीता।

<><><><><><><>